

litteram scribi et nostri autentici sigilli fecimus appensione muniri. Datum et actum Misnae anno domini millesimo trecentesimo septuagesimo tertio, in vigilia beati Martini episcopi et confessoris, praesentibus honorabilibus et discretis viris dominis Jacobo de Kunczindorf canonico Lubucensi, officiali curiae nostrae episcopalis, Gunthero Karas et Johanne Mekol nostro prothonotario canonicis ecclesiae collegiatae Wurczinensis, Hermanno de Nova Civitate et Gabriele de Nassow perpetuis vicariis ecclesiae nostrae Misnensis ac strenuis Witschzel<sup>12)</sup> de Ponekow, marschalko et Ottone Schaf familiaribus nostris pluribusque aliis fide dignis testibus ad praemissa vocatis<sup>13)</sup>.

Et nos Henricus praepositus, Nicolaus decanus totumque capitulum ecclesiae Misnensis antedictae recognoscimus publice per praesentes suprascriptis donationi et testamenti ordinationi aliisque omnibus praemissis nostrum benivolum et expressum unanimiter adhibuisse et praesentibus adhibere consensum et in evidentiam ac certitudinem firmiorem ad exprimendum nostrum consensum maius sigillum nostri capituli praesentibus fecimus coappendi<sup>14)</sup>.

Nach dem Orig. im Stiftsarchiv zu Meissen; ein zweites Exemplar befindet sich im Haupt-Staatsarchiv zu Dresden. Die Siegel des Bischofs mit einem Rücksiegel und des Capitels sind an einem Pergamentstreifen befestigt.

12) Witschzel B. 13) testibus ad praemissa vocatis fehlt in B. 14) Datum et actum ubi supra Zusatz in B.

### No. 635. Um 1373.

*Otto gen. Heyde Burggraf zu Dohna lässt dem Bischof als Oberlehnherrn das Lehen über einen Weinberg zu Kötzschenbroda<sup>1)</sup>.*

Nos Otto dictus Heyde burgravius de Donyu pro nobis ac nostris heredibus recognoscimus publice et ad omnium tam aevi praesentis quam futurae posteritatis hominum notitiam volumus pervenire, quod per reverendum in Christo patrem dominum Conradum episcopum ecclesiae Misnensis et nonnullos alios fidedignos informati, nullas vineas ad mensam episcopalem pertinere, quibus tamen ipse episcopus et alius episcopus qui pro tempore fuerit propter necessitatem et honestatem satis noscuntur indigere. Istis igitur causis et affectione, quam ad eundem dominum Conradum non inmerito afficimur, favorabiliter inclinati iuri infeudationis in vinea, quae quondam Friczkonis Kundigen dicti et heredum suorum extitit, recepta prius eiusdem resignatione solita nobis et nostris heredibus ac successoribus competenti, pure simpliciter et benivole renunciavimus et praesentium renunciamus serie litterarum, advertentes, quod dictae vineae infeudatio nos et heredes nostros concernens ab ipso domino Conrado episcopo praenotato procedebat. In cuius renuntiationis et resignationis huiusmodi evidens testimonium sigillum nostrum ex certa scientia praesentibus est appensum. Praesentibus et testibus viris strenuis.

Nach dem Orig. im K. Haupt-Staatsarchiv zu Dresden mit dem beschädigten Siegel an einem Pergamentstreifen.

1) Außere Aufschrift: Litera renuntiationis feudi domini Ottonis Heydin de Donyu super vinea Friczkonis Kundigin in Koczzebrode.